

摘藻堂四庫全書薈要

集部

欽定四庫全書薈要卷二萬三百七

集部

宋詩鈔卷五十四

內閣中書舍人吳之振編

朱松韋齋詩鈔

松字喬年號韋齋新安人文公朱子其嗣也第進士除秘書省正字建炎紹興間詩名藉甚聞河南程子之學捐棄舊習朝夕研討久而深有所得趙鼎督川陝荆襄招為屬不就鼎再相除較書郎歷度支員

外史館較勘司勳吏部郎秦檜主和議上章極言其
不可檜諷御史論其懷異自賢出知饒州未至卒

至節日建州會詹士元

嗟予身百憂佳節過倥傯客愁隨綫增歸思與灰動當
年從子日未覺百慮重高堂遶牀呼一擲有餘勇那知
客天涯相對寒骨聳歲月增幾何鬢絲今種種忍饑山
藥煮附煖地爐擁深藏斷還徃衰病脫拜拱興言望鄉
關雲物方鬱湔空餘相屬意盃酒久不捧

寄題叔父池亭

一壑久藏勝數椽忽開亭方塘蔭瓦影淨見魴鯉行主
人有嘉招轉柁失高城不知幾搖兀杙舟上崢嶸尊酒
酌芳淥園蔬煮柔青翩翩射鳴弓一笑翻綵翎那知海
陬姪斗粟忘歸耕餘生信萍梗歸夢識林垞漲水有回
波故鄉豈無情一醉會有日因之濯塵纓

考亭陳國器以家釀餉吾友人卓民表民表以飲
予香味色皆清絕不可名狀因為製名曰武夷

仙露仍賦一首

二年飲水閩中村忽見玉醴傾蠻尊涓涓醍醐灌熱惱
耿耿沆瀣明朝暎早塵久漲城市暗渴夢欲挽江湖吞
何人遠致雙鯉信知我來扣羅雀門不須邀月已清絕
尚恐熨齒當微溫要從華池汲真液豈獨玄髻薈愁根
微芒已識投轄客斌媚似返當壚魂奇功誰續伯倫頌
妙意要與淵明論胸中我自有涇渭筆下君已傾崑崙
詩成寄與約他日飲君與我空瓶盆

久旱新歲乃雨

高田土可簾下田不受犁遺蝗憂插咏況乃麥未齊亦
子天自憐溝壑忍見擠雨逐新歲來停雲忽淒淒莫辭
三日霖為作一尺泥汪汪既沒膝濫濫仍拍隄漸看蓁
笠出笑語喧吟畦我欲與寓目父老同攀躋此身羣萬
生擾擾舞甕雞曾亦無幾求脫粟配羹藜永言故隴耕
老眼路淒迷好收斂版手鋤耰歸自攜

蔬飯

歲拳嬰兒手笋解籜龍蛇薦羞杞菊開采斲煙雨外嗟
予飯藜藿咽塞舟泝瀨朝來二美魚一飽良已泰充腸
我誠足染指客應慨平生食肉相蕭瑟何足賴王郎催
牛炙韓老憶鯨鱠俠氣信雄夸戲語亦狡獪我師魯顏
子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能為失此一敵國偉
哉奇男子俠氣橫八極書生復何者骯髒老筆墨刺口

論安危事往竟何益匹夫嘯空野驚塵一方塞區區空
有意浩蕩先鋒鏑何如吳王孫語輒面浮赤交遊得朱
亥負販鄙膠鬲腰間鐵絲箭上鏃紫塞翮笑指蛇豕區
滅此而後食諸公未備知欲薦恨無力明日我過君烹
牛呼社客當書游俠傳令子姓名白

十一月十九日與仲猷大年綽中美中飲於南臺
空山欲雪雲冥冥玉梅半開吾眼青此身垂欲走塵土
聊復舉酒看崢嶸折腰向人不知恥故園可鋤在千里

金昆石友一開眉珍重道人相料理楚江東岸先人廬
竹君安否久無書歸歟何時應白首我食吾言如此酒

送志宏西上

九州眼一槩餘子真瑣瑣嶽立培塿中喜此高岷峨如
公我輩人取友亦到我揮毫賦垂天風雨卷蓬顆相期
八表遊未覺夙心左解龜醉江閣酒面山月墮起瞻帝
鄉雲感嘆不成坐何須飛霞佩自辨凌風舸瀛州渺溟
渤萬里一掀簸緘詩寄天涯秉燭對新火那知市門仙

斗祿事么麼空餘腸九迴上疏何日果

寄陳蹈元

我生少所可靡靡世一律如君素心人指不三四屈久
與宵人遊歸卧常自失效尤起媮心阿意增美疾低回
強酬酢高論形敢出緬懷叅同子蚤入伊洛室聞道既
先我論詩又奇崛縱橫談天口卓犖扛鼎筆勝我何足
云論交敢自必桓公肯見規寡過行有日書來約過從
一笑破蕭瑟新涼宜燈火永夜勛書帙豈無一尊酒少

促軟語膝更呼小叢歌未怕官長詰
跂予占騎氣千嶺秋回鬱着鞭及清境
濫濫月華溢

月桂花

窓前小桂叢著花無曠月月行晦朔周一再開復歇初
如醉肌紅忽作絳裙色誰人相料理耿耿自開落有如
貧家女信美乏風格春風木芍藥穠艷傾一國芳根雖
無恙歲晚但枯枿

茱菊

海上作重九菊揉青蕊香近墟買茱萸枯顙出藥囊
曹記土風歎歎事祈禳老夫未免俗聊爾答風光災
祥理不偕此柄孰主張謠言眩未俗吾欲案長房

吉貝

炎海霜雪少畏寒直過憂駝褐阻闕河吉貝亦可裘
投種望着花期以三春秋茸茸鵝毳淨一一野繭抽
南北走百價白氎光欲流似聞邊烽急綠江列龜
貅裁襦襯鐵衣愛此溫且柔天乎未厭亂利厚人益
媮誰知海濱

客獨歎無人酬

餽歲

歲晚追土風獨甕誰與佐人心感流光臺餽屏竒貨雞
豚取牢柵門戶隨小大去鄉二十年憶此但愁卧兒癡
元未識但索梨飢坐何時鷄識村莫作驢轉磨不須志
四方教子求寡過歸哉及強健老去煩劑和

別歲

舊歲已趣駕為我不少遲凡心畏增年而歲豈容追丈

夫有螻屈牢落天南涯收功英妙年豪傑彼一時寧當
如秦越坐視瘠與肥隣翁意誠厚酌酒寬愁悲慙懃何
時忘祝我致好辭撫世非吾事諸公正扶衰

守歲

庭燎夜未央旌旗煥龍蛇九門一放鎖萬馬誰能遮亂
離憶舊事安眠夢無何目眩燈燭光坐厭兒女譁念此
亦土風雖癡不容撾更為盧白戲紛爭起橫斜故歲不
足計新歲莫蹉跎努力誦書史從人笑翁誇

送沈昌時赴寧海令兼叙別

午潮平處落歸帆已覺離情兩不堪
轉手便成千日別
悲歌聊倚一盃酣
波翻別壑聞車水
青遍柔桑趁浴蠶
歸路春深風日美
伴誰操筆賦幽探

西湖泛舟

望湖樓下照衰顏
羞見塵埃兩鬢斑
風艇縱看山轉側
烟堤儘逐水回還
喚人歸去城鐘急
觸處相親嶺月彎
用新詩摹絕境
定知長到夢魂間

贈言命張生

俛仰塵埃的自羞
稍看寒餓復誰憂
小兒造物巧相戲
窮鬼逐人殊未休
我所不知煩子算
世如無取更何求
服箱挹酒真么麼
那用區區問斗牛

贈僧

知有叢林特地過
幅巾迎笑出巖阿
杖藜同覓牛羊路
濯足來分鷗鷺波
豈不倦遊貪斗粟
坐令歸思動漁蓑
他年會有相逢日
稍食吾言聽子呵

寒食

粥冷春餠凍泥開臘酒斟故鄉空淚滿華髮正愁侵山
暝雨還住煙孤村更深誰知江海客浩蕩濟時心

答卓民表送茶

攪雲飛雪一番新誰念幽人尚食陳髣髴三生玉川子
破除千餅建谿春喚回窈窕清都夢洗盡蓬蓬渴肺塵
便欲乘風度芥水却悲狡獪得君嗔

和人遊仙峰庵

千巖萬壑翠縈回一洗衰翁病眼開落日多情留別嶺
秋空無地着浮埃雲間出岫初無意松老參天豈願材
我是散仙君記取更鞭鸞鳳少徘徊

蘆檻

手斲修蘆着檻栽使君公退幾徘徊想當風雨翻叢急
疑卷江湖入座來未辨松窓眠綠浦且將屐齒印蒼苔
種成桃李人間滿應念孤根首屢回

董邦則求茶軒詩次韻

一軒新築敞柴荆
北苑塵飛客思清
更買樵青娛晚景
便應盧老是前生
千門北闕夢不到
一卷玉杯心自明
冷看田侯堂上客
醉中談笑起相烹

送仲猷北歸二首

一丘胸次有餘師
空此淹留歲月遲
黃墨工夫憐我倦
簞瓢風味要君知
新詩落筆驚翻水
俗學回頭笑畫脂
伊洛參同得力句
還家欲舉定從誰

欲尋當日故山盟
身世今如海一萍
歸路上心真了了

愁根入髻已星星挽衣共酌東西酒折柳送行長短亭
念我知君回首處萱叢萑葉一時青

寄吳致一

相逢一笑兩忘懷夢遶親庭首重回世事難磨三尺喙
離愁都付一分杯秋生林薄歲時晚水落江湖鴻鴈來
賸作新詩頻寄我天涯時對兩眉開

四月十五日上元道中

亂山身逐簡書來梅子黃時雨未開一葦橫斜風葉度

千灘鼎鑪雪城催危機種種那容避俗駕駸駸底未回
聊復浮遊隨造物故園回首思悠哉

送黃彥武西上

門揜蓬蒿氣浩然西風筆勢更翩翩未忘大學齏鹽味
時說定林文字禪蘆蒲風光傾上國槐花心緒記當年
里門歸日車應下置酒遲君沉水邊

書室述懷奉寄民表兄是日得民表書

丈室無塵槩几橫吏休鳧鷖散無聲舞風竹影儼儼轉

縈夢鑪香嫋嫋清已笑榮枯盧白戲不須物我觸蠻爭
故人剪燭西窓約知得何時話此生

答人留別之什

家在大江東復東去君一舍碧流通那知臨水登山處
同寄飛蓬斷梗中愁絕盃中千里月夢縈江上一帆風
只今且作須臾意更典雲裘醉小蓑

次韻李堯端見嘲食蕨

真人官府未蚩緣且向龍山作散仙春入燒痕催采蕨

雨翻泥隴憶歸田
蔬腸我若朽蟬腹
詩格君如擊鶻拳
筋下萬錢謀更鄙
諸公飽死太官羶

送友生

剝啄門前久未嗔
定知我輩不羈人
午窓喚起夢魂好
一語便知風味真
身嬰世網坐營口
心識醉鄉慵問津
忽先秋燕背人去
四角何由生客輪

贈范直夫

將軍競病詩成處
南浦春歸蘭玉叢
漸減心情身老大

久乖談笑路西東鄉關落日蒼茫外樽酒寒花寂歷中
且與寓公同放曠浩歌相屬倚秋風

招友生

雨收天氣欲清明猶有餘寒在粥餠馬隊客勤貪晝永
鱸堂人病想身輕讀書有味齏鹽好對境無情夢寐清
欲話此懷須我輩一來蠟屐伴春行

寄江

龍卷風雲一髮端不妨聊作侍祠官高情未許羣兒覺

萬事何須正眼看
問道從公春信近
談天容我酒盃寬
乘樽亦有平生意
回首紛紛行路難

次劉彥仲傳茂先韻

強踴府塵從傳子
立談江閣識劉郎
一尊此地見眉宇
十載相思成鬢霜
秋燈煜煜照情話
夜浪翻翻吹客牀
投名徑入農圃社
老矣不夢天門翔

次張演翁林元惠韻

朱門小駐使君車
二老風流入畫圖
但有觥籌供笑語

從教歲月上髯鬚詩成華燭留殘蠟客醉高歌叩缺壺
更起爭棊誇得雋不應局戲守邊隅

太康道中

一色春勻萬樹紅坐愁吹作雪漫空誰知榆莢楊花意
只擬春殘卷地風

燈夕時在泗上五首

燈花作意照歸人短棹扁舟寂寞濱帝力如春蘇萬物
遙知太一不威神

雲窓月檻仰乘輿俯看香車出繡襦
九陌人人歌帝力
不須微服過康衢

驚駕翩翩馭晚風積蘇宮闕夜濛濛
明朝遣覓鐵如意
應在涼州酒肆中

我欲安心未有方至人遺跡已茫茫
自非窄堵波中老
誰直先生一瓣香

我觀世界只兒嬉一戲相從更莫辭
綺語未忘餘習在
明朝與和紫姑詩

鈇山僧齋假山

擘開華嶽三峰秀疊就層峰數石寒等是世間兒戲事
道人莫作兩般看

石門寺四首

橘刺藤梢胃客衣直緣微祿得奔馳懸知投老歸田味
只似登山困睡時

行穿蒼麓瞰平岡踏破青鞋到上方城市紛紛足機穽
却從山路得康莊

林棲相喚出幽谷我亦欲起天未明
枕中泱泱響山溜一似荒城長短更

真功那復歎蒸沙靜笑饑腸日夜譁
老褐不須供茗粥朝餐吾已辦丹霞

以研墨送盧師予

明窓子石澹松腴萬卷盧郎正要渠
何似黃梅碓下客夜翻半偈倩人書

春晚二首

梅子生仁柳絮催春風塵跡只蒼苔繁華一夢年年事
長是初鶯為喚回

客路歸來芳節闌杖藜隨處小盤桓危紅數點藏深綠
須作春風爛熳看

宿石龍寺

觸處為家底是歸浮生南北未忘機道人身似南枝鵲
更盡秋宵一再飛

寄人

西山相對卧寒齋耿耿思君不滿懷
比似持雲來寄我何如君自作雲來

勻道人之玉山戲作小詩送之

道眼無塵萬景隨
滄江秋色入新詩
歸時人問江南好
只道君行到自知

南浦小詩迎勞二弟

健碧倚天無數峰
眼前渾似故人逢
問來識面知何處
應在頤齋詩卷中

和幾叟秋日南浦絕句簡子莊寄幾叟

兩翁相對語更闌想見風生席石間詩就南枝三轉鵲
樽前秋月半嚙山

凜凜臞仙千載人當年許卜一枝隣天高鬼惡堂堂去
誰識渠儂不壞身

不見陳公歲又除七峰深處食無魚終煩指似龜山路
會使人疑得異書

風雨交映夜燈天涯兄弟對牀聽莫嫌詩作江南語

一夢家山眼亦青

書永和寺壁

胸中一壑本超然、投跡塵埃只可憐、斗粟累人腰自折、
不緣身在督郵前

來解征衣日未斜、小軒泉竹雨清華、道人法力真無礙、
解遣龍孫吐浪花

九日送僧歸龍山

九日和攜積翠中、勝遊兼有道林、同枯顙一任君披拂、

寄語龍山落帽風

牛尾狸二首

歷糟玉面天涯見
琢雪庖霜照眼明
投筯羞顏如甲厚
南山白額正橫行

物生甚美世所忌
吹息雪中成禍胎
湯泛卯盃頻下筯
江南歸夢打圍來

洗兒二首

行年已合識頭顱
舊學屠龍意轉疎
有子添丁助征戍

肯令辛苦更冠儒

舉子三朝壽一壺百年歌好笑掀鬚厭兵已識天公意
不忍回頭更指渠

雜小詩八首

身將雙影背閩山伴我江南去又還欲寄道人簷下宿
此身都未似雲間

俗學回頭笑畫脂我今羞悔子何疑恐輸靈運先成佛
莫學湯休苦覓詩

松風十里客襟涼
路入江南選佛場
欲問道人三世事
樓鐘重聽未應忘

江南風物略知津
便覺詩成筆有神
不向九江看五老
故應猶未是詩人

紛紛襴襪久相忘
只憶僧齋晝夢長
珍重道人留客語
君家無比北窻涼

門外山光萬里濃
且將寥落共清風
箇中自有濠梁意
不用磨刀斫眼紅

道人鉏斧得從誰無復當年隻影隨
笑我不求千戶郡坐知成佛更難期

避世山中祇樹亭綠陰遶舍忽青青
拋書自笑爬沙手要挽天河洗甲兵

立春日雷

陌上冬乾泣老農天留甘雨付春工
阿香急試雷霆手莫放人間有卧龍

送輝雲際二首

三日雨行來款闕篝燈相語雪靈山低回俗裏未能免
只有對君非強顏

認取芝峰鉢中影要君歸去首重回相思手折寄千里
想有南枝迎臘開

題范才元湘江喚舟圖用李居仁韻


天涯投老鬢驚秋夢想長江碧玉流忽對畫圖揩病眼
失聲便欲喚歸舟

宋詩鈔卷五十四

五十四



宋詩鈔卷五十四



總校官庶吉士臣張能照

校對官庶吉士臣陳崇本

謄錄監生臣王詔

欽定四庫全書薈要

集部

宋詩鈔卷五十五

十六

詳校官候選知縣臣吳甸華



欽定四庫全書薈要卷二萬三百八

集部

宋詩鈔卷五十五

內閣中書舍人吳之振編

宋 稗玉瀾集鈔

稗字逢年文公之叔父也少有軼才自負其長不肯隨俗俯仰厄窮蹇蹕有人所難堪而其節愈厲其氣益高其詩閒暇畧不見悲傷憔悴之態因夢名堂曰玉瀾梁溪尤延之敘其詩

二詩寄德粲并簡內觀諸友

春風本自掣肘去那更病留過一句滿眼山川雖不改
連天桃李已成塵銀河誰與洗兵馬寶唾安能泣鬼神
悵望故人分雪此飛雲落日在綸巾

九淵亭上二三子見說年來事事新隔水不容招手喚
曲窻已有畫眉人醪醑香好急攜酒鷓鴣聲繁催送春
笑我江南未歸客飄然天地一閒身

因蹈元看竹了軒因用去年方字韻作此

淇澳渭川那復夢而今天遣出南方要觀大節須霜雪
莫說此君無肺腸照水形容殊不惡臨風言語一何長
山僧豈識留連意千里故人逢異鄉

三山次潘靜之升書記韻

客路那知歲月長
掀眉一笑蒹葭房
且傾徐邈聖賢酒
不問陳登上下牀
雲影翻空迷海嶠
秋聲隨夢到江鄉
明朝各聽船窻雨
猶憶枯茶戰四郎

邈書寄出與李知哲唱和詩次韻

邂逅招提頓客輶十年塵土且休休三人月下從渠便
二老風流到我不南北只今無好語山川如許更悲秋
故應賸作鏘金句莫羨羣兒萬戶侯

老兵種菊以詩謝之

蔬畦雨徑策勲時徙種隣牆菊兩枝九日無人過朱放
十分舉酒酌王尼花裁臬玉秋風健香近龍涎曉夢知
負口不應還負眼長鑱煩爾鎮相隨

九日與客語慨然有廬山之興

九日黃花笑白頭分將牢落付荒丘半川暝色聊償夢
別嶺秋聲旋寄愁江國經年多浪語匡廬入手是真休
未能免俗須登陟晚視元龍百尺樓

三山次鄭德予韻

日脚微明雨脚疎誰將雲夢賦相如西南山好君知不
一見全勝讀異書

何日歸舟片葉輕白鷗相伴鶻微鳴只應潮打蓬窗處
已作離騷一半清

寓居南軒

雲氣披猖月意孤，
青倒影上庭隅。
燈橫老薺蛾方去，
書掩新芸蠹已無。
一世盡知閩魯酒，
十年不擬歎齊竽。
支頤坐覺疎星沒，
獨扣龍頭瀉酪奴。

答戲昭文梅花

臘到方留此日寒，
雨多未覺過雲殘。
共驚臺柳蔥蔥去，
獨抱園花細細看。
洗面不勞千點雪，
薰衣剝破一分檀。
詩人窮苦誰料理，
只倚東風酒量寬。

延平道中

一溪春漲午晴初日透波光綠浸裾却憶孤山山下路
石橋清澈看叉魚

雲間三十六峰高北望思歸夢亦勞來客雙峰莫相笑
少低吾眼為兜曹

舟次鰲湖阻水因遊董山

山雨疎疎心又驚起瞻天色斗微明他年一枕江關夢
知憶蓬窻此夜聲

一川黃濁寫崐崙苦恨南溪不盡吞三老亦知行意速
時時插竹記沙痕

拂拂朝霞到客舟苦疑雨意在鳴鳩好峰天半元相識
且作僧牀挾策遊

夢好山晴曉不知船邊今日見鬚眉向來快寫崑崙地
元有薰風綠盡時

僕自以四月十四日自延平歸所寓之南軒積雨
陰濕體中不佳二十五日夜夢至一處流水被

道色清絕若有欄檻而無屋宇有筆硯皆浸水
中予驚問何地旁有應者曰此玉瀾堂也夢中
欲取水中筆硯作詩詩未成而覺意緒蕭爽殆
不類人世雞已一再鳴矣因賦此

蘧蘧飛夢過雲鄉物色清輝眼界長閭闔未招金馬士
蓬萊先立玉瀾堂千尋濯足衣裘冷六字哦詩筆硯香
當與瑤池作同社紅巾青鳥兩相忘

贈周功崇

閩嶺浮沉二十年歸心日夜夢江天謾題甲乙煩君看
若說功名只自憐造物小兒知薄相箇中老子已忘筌
一筇聞作東南去豈欲求人左海邊

夏夜極涼

素簡久辭夜清風先戒秋稻深羣蛤吠草暗一螢流舌
在殊無計心空尚有求按圖尋分野楚尾見吾州

六月二十日

二十一
日立秋

天涯明日見秋風錯莫誰驚碧樹空豈意楚山招隱處

盡歸蜀客廣騷中釣魚聊爾針方直乞米茫然帖自工
獨卧南軒聽南澗蜜花猶作杜鵑紅

春間小詩書趙園壁追錄之

柳態隨時秀花容近酒輕綠窗京洛語葢抹早鶯聲
小語不知夕幽香無盡時影寒人欲醉明月照醺醺

夜坐池上用簡齋韻

落日解衣無一事移牀臨水已三回斗沉北嶺魚方樂
月過秋河雁不來疎翠庭前供答話淺紅木末勸持杯

明明獨對蒼華影莫上睢陽萬死臺

書報國壁向年寓學於此嘗見虹下飲溪中復聞

子規

昔與春風來此時攜書齷齪伴兜嬉山晴欄楯投雌霓
身病林蠻號子規短髮蕭蕭吹易盡長江滾滾去何之
欲追舊事無言說更作三生石上期

宋詩鈔卷五十五

欽定四庫全書薈要卷二萬三百九

集部

宋詩鈔卷五十六

內閣中書舍人吳之振編

程俱北山小集鈔

俱字致道衢之開化人以外祖鄧潤甫恩補官坐
上書論紹述罷歸宣政間進頌賜上舍出身歷官禮
部郎建炎直秘閣知秀州南渡航海趨行在紹興初
為秘書少監時庶事草創俱撫三館舊聞為書曰麟

臺故事上之擢中書舍人兼侍講旋除徽猷閣待制
晚病風痺秦檜薦領史事不至卒年六十七為文典
雅閱奧詩則取塗韋柳以闌陶謝蕭散古澹有忘言
自足之趣標致之最高者也

雜興十首

一日復一日百年如此耳那將千百計來日何窮已逝
者不可追來者安可知正恐聞道晚勿言功用遲

誤點成駁牛妙技有餘賞作意畫蛇足至今猶撫掌君

看人間事類此或往往浩歎可奈何悠然起遐想
中夜忽自省昔我今是非音聲故如昨齒長鬚滿頤有
人夢中言子念無乃癡今猶昔人耳昔人安在茲
濯濯簷下溜刁刁樹間鳴蟲號百鳥鬧小大各有聲聲
多不留礙響振元無形何殊百千炬光影各自明

胡葵向晨照日引一尺長松栽四五年擢幹未出牆溥
溥露方晞借此顏色芳各留一寸心試待九月霜

春鳩一何拙社燕一何巧天陰逐其婦飲啄聊自了街

泥亦綢繆託此華廈好物生固有分巧拙均一飽

穰穰新稟秬補此茅屋漏問云力田人歲事苦耘耨終
年手足胝得此以自覆香秔一過眼糠覈餘滿甕

昔年過吳江戀戀不忍去臨江塵思盡廓若埽翳霧茲
為三年留已厭波濤怒乃知常人情趣新方捨故

軋軋田邊車卷卷不得休出之一寸痕益以幾尺流扶
提暴中野強作田家謳車聲真哭聲天遠將誰尤

少小思振奇頗恨身不長身長益多累信與憂俱生回

思二紀間浪使倏忽爭誰能補黥劓反我孩與嬰

吳縣遊靈巖

春物已如許放舟出橫塘扶橈漾漾漲迨此白日長
草木有佳色欣欣弄浮陽幽禽靜相呼乘和自翻翔
春風不著人浩浩吹我裳終年思煩促於此興未央
捨舟得平地陟彼萬仞岡明霞墮山西夜氣鬱已蒼
豈無從我遊夾道鬚髯張風來得好語落落隨低昂
幽堂埽禪榻靜對燈燭光身輕浴新出境寂慮欲忘
虛窻忽含曉睡

起日照梁羣山發春姿秀碧澹以芳晨光晞薄露草樹
滋幽香徜徉尋昔遊步屨循長廊振衣一長嘯寸目了
八荒上嗟百世基竟坐一笑亡見劉禹錫詩當時館娃地今
作選佛場乃知諸夢境適化宜有常飄然詠歸歟此適
頃未嘗重來會有興肯使墮渺茫旁人挽予言借問身
閒忙吾方有公事子去無相妨

過方子通惟深

白日苦易晚我懷多隱憂憂思劇春浸浩漫不可收出

門欲有適舉步且復休塵中等膠擾念此將焉投駕言
城東北閭閻即巖丘是中有幽人厲志凌霜秋寸田荆
棘盡不假斤斧修門無雜車馬一飯乃見留虛堂芝朮
香下有百尺虬蒼陰匝平地老幹森下樛堂中羅酒漿
耿耿燈燭幽四天黢無光萬籟肅以攄炯然坐相向更
僕語益道我身動乖忤夢寐喬松遊常恐在泥滓永為
天所囚會當從之子濯足萬里流

夜半聞橫管

秋風夜攪浮雲起幽夢歸來度寒水一聲橫玉靜穿雲
響振疎林葉空委曲終時引斷腸聲中有千秋萬古情
金谷草生無限思樓邊斜月為誰明

讀神仙傳

騎龍上天入太清繼世而往在我盈握鈴而呼大司命
主非使者走折脛乃知神仙非智巧積功累行如邠鎬
專懷邪辟祈長年誰言淮南雞犬飛上天

鯉魚腹中有隱符白魚腹中有素書鞭靈走石纔一戲

騎麟上天亦徒爾誰能解衣涿水中使人呼指赤鯁公
莫作龍眉山頭客三百年不得作直故應未辦作李公
投身百斛旨酒中鼓琴先生有怒色有愛終當為物役
江都王勿預人事保蟲膏血使誰從汝索

胥門著蔡經市門著梅福我為松江吏與汝相望亦相
逐高冠長劒衛士從有口底事使蠟封此身況不為陳
尉就公蠟封三尺喙不能擲米作珠為狡獪

古釣臺歌送阮閱休美成公檄浙東

餓夫一往西山空攫金肱篋清晝同東方作矣事若何
玉桺未解裙襦中排肩炙手日卓午暮夜掉臂目送西
飛鴻謂言冰壺不受汙正似馬耳經東風我思一人去
我千載乃在淞水之東富春瀨山嶽嘔兮矗雲漢溪流
喧飗白石亂瀨聲盡處萬尋碧蟠蜿蜒兮守斯人之故
宅旁人指山名釣臺下視九土氛黃埃投竿百轄何足
道直拂三珠挂瑤草彼一人兮皎獨立清風為神冰為
骨佩瓊蕤兮結明月紉蘅蘭以薦枕兮服龍淵之無缺

羊裘蒙茸溪水旁大勝被袞升明堂劉秀發兵誅不道
氣壓昆陽纔一掃登牀撫腹坐太息始信赤符非至寶
君房素癡定不癡致位鼎足何其危阿諛順旨腰領絕
安知直言身見殺我昔客新定掛帆七里灘整冠拜祠
下巖巖千仞層臺巔神遊八海極髣髴聆其語但覺萬
古松風寒滔滔舉世無不可正自喪我非母我嚴灘水
清山翠微貪廉懦立歸來兮奎蹄絮縫不可以久棲

即事戲作四首

老鳥作巢一何拙柳條垂絲今禿缺銜枝復墮苦饒舌
編條作巢枝錯節老鳥柳好汝勿傷藏鳥待得春葉長
安巢令汝著哺母密葉更能庇風雨

齋前數柳樹為老鳥取新條作巢幾

盡

黃雀黃雀飛相逐相呼門前啄遺粟啄粟飽即休有人

挾帚埽泥待作粥

數日門外輸苗遺粒狼戾黃雀喧集貧家小兒爭埽去謂之埽泥米

鶴唳固有似云何啄泥取蚯蚓蚯蚓食泉曾不惡鰕鉏
蜿蜒尤不忍何如忍飢向芝田腥涎溷爾不得飛上天

畜一鶴頗食
腥穢可厭

烏啼未必惡麾去恨不早鵲噪兩耳聾主人亦言好安
知一喙鳴喜戚自顛倒朝來羣鵲噪不已童稚無知助
吾喜羣鵲自與烏爭巢慎勿喜歡真誤爾

齋前羣
鵲時噪

謝人惠硯

帝鴻墨海世不見近愛端溪青硯溪流見底寒且清
光凝淺紺淵之精斧柯千古遺仙局雲暗半山含紫玉
割雲鑱玉巧如神龍尾銅臺可奴僕君來自南數千里

不載珠璣如意苾苾芊芊溪草裹石硯文字之祥直送喜
明窻大几墨花春爐山吐蘭千穗雲虛中含默靜相對
那復草玄驚世人

劉禹錫有端溪石硯人間
重贈我應知正草玄之句

穹窿葬事回邑有感

生別萬里餘會面終有期死別不轉眸一朝千古非白
日光在天玄陰閟泉扉盈盈閨中秀土化成枯魃冠算
共甘苦謂見素髮垂那知死生變不待桑蔭移室有病
時茵篋有嫁時衣了了眼中事閒妝靜容儀垂楊手曾

折為我當春稀
迅流無迴波
落英無還枝
空房閒無迹
新墳草離離
傷心北門道
同來不同歸

過劉姓園居

負郭三頃稻並田
五畝園人生如此足
安用華其軒
親戚居南陌
交遊在東村
有酒輒共醉
傾輸見情言
三徑雜桃李
九畦蒔蘭蓀
黃甘百頭奴
碧梧萬支孫
山供景無盡
石映溪不渾
桑麻中饋任
布刈鄰翁論
下以活妻孥
上以奉清溫
時從赤松子
亦訪吳市門
嗟我抱此志

十年若朝昏家山眇天末松菊豈復存茲園臨官道坐
笑車馬奔前山復場圃疏築隨坳墩我來適春穰亂眼
紅青紛恍然動鄉思夢寄東飛雲

題海會寺

萬杉堆青沒山骨雲埋七峰時出沒飛泉拂石瀉哀湍
下有萬古蛟龍窟藏頭睡熟呼不起地圻三年蝗蝻出
千山脉理漬清甘一罇涓涓流石液同遊况與惠詢輩
許主簿
遠首座
納屐振衣何勃窣大門當前新築道跨水曲欄

歌突兀春鳴輶輶趨朝炊水畦懸流機械發摺節對此
自三歎抱甕老人長搢搢却坐幽堂忽浩歌回首已失
西山日

望九華

并序

船發大雲倉五十里許顧江南衆山中有數峰竒爽
特異一見即知其為九華問篙人果然因知褚季野
於廣坐中識孟萬年正應如此作詩一首

卷簾對坐江南山掠眼送青來疊疊雲泉肺腸久厭飫

拄頰悠然聊復爾奇峰遠澹忽四五爽秀駸駸逼窻几
平生九華夢遊中一見定知真是矣非闕目力覩天奧
正覺羣山如聚米好山如人有高韻不獨江州孟公子
直緣佳處無仕逕落莫道邊同苦李大是忘年耐久交
藜杖青鞵結終始

山中對酒

秋容澹青山爽秀雨皆足清溪照千仞空翠疑可掬何
年顧兔窟桂子墮山腹老香散深林屑玉綴黃粟朝來

客衣動一葉下空谷客心如棼絲日月共煩促胸中尚
磊塊陶寫賴新淥要當酒千鍾澆我愁萬斛顧有獨醒
人脩然倚枯木

二月二日富陽城東

一春何許最佳處柳色初勻思殺人風揉雨練不可觸
明綠映空顏色新舊雨來時花未齊今雨一過花團枝
明朝試踏城西路已復可憐枝上稀

桐廬道中書事

一星熠熠初尚微俄頃滿天如灼龜溪流黯黯四山里
怒芒當空唯太白舉頭仰書天漫漫飛星縱橫絕河漢
新月未高不可見終夜起坐發三歎

題張太丞明園亭

京華真陸海聲利之所闐向來山林士往往去不還濡
足未肯已沒身何足歎張侯翰林客金龜著朝班生平
用一指談笑起廢殘紛紛多盧子名譽莫敢攀五十未
云老幡然歸故山歸來謝奔走治此五畝園養樹如養

生斤斧不浪干醫花如醫疾察標見其源

花譜有醫花法

上有

十圍木蒼然午陰寬下有百步荷紅鮮映清瀾爽氣日
多佳西山挂簷端安能九衢內髀肉磨羈鞍我今坐奇
窮進退坎井間違已恨紆轡長饑思抱關當時彭澤令
四壁唯瓢簞折腰未為辱徑去曾無難而我亦何者栖
栖猶強顏

送崔閒歸廬山

琅琊山中水韻入三尺桐琅然醉翁操發自玉澗翁流

泉不成音寫寄十二宮醉翁不可見妙語聊形容嘗聞
三峽泉上與天漢通請君記餘響相彼玉佩風此聲倘
可繼那復有此公

吾友胡少汲結廬皖公城瀟山有小隱背負紫翠屏前
臨一溪水可以濯我纓欲分青山半留我谷口耕信美
非吾鄉翩然遂宵征聞君草堂處亦復占地靈虛密倚
蒼崖下有玉澗鳴樂哉不可到因君懷友生

有美一人

有美一人在昭平藕絲為衣蘭作裙君初顧言淑且真
直欲載以黃金輪人心變化如浮雲明妝覺暗笑作顰
何當還之承華茵今君宴寢凝清芬

有美一人在煙汀朱顏朝滌玉壺冰素手暮理朱絲繩
語言窈窕丹鳳鳴坐持紈扇睇秋螢何當還之翡翠屏
為君把鏡整衿纓

有美一人在南浦月明採珠光照渚瑤衣被體金索縷
獨抱幽寒沫煙雨何當置之白玉宇為君歌陽春激楚

有美一人在南國以下四首亡時鄒志完
在昭州曾子開在汀州陳瑩中在合浦

賦長興錢圃翁詩

學書要不成學圃苦不早向來執戟郎何似於陵老我
無拏雲意所念在一飽閉門種蕪菁抱壘澤枯槁荒畦
財一席嚙嚼到春草頗聞長城翁八十顏色好城西有
寬閒終歲常却掃安得五畝園如翁一生了

遊善權寺

放舟荆溪上溪水清且徐雲中離墨山慘淡初有無捨

舟並松麓下直浮屠居謁來東軒上爽氣已有餘飛來
定何年無乃與此俱奔流漱庭下比竹梁寒渠山深絕
凡境物物清以臞蕭森倚巖秀夭矯懸崖枯幽禽發寒
喉響振高林疎我行亦良苦却步計已迂解衣卧清晝
慰我千里劬

予自衢來姑蘇省女兄竟欲歸却行
二百七十里訪江仲嘉於宜興故有

却步
之句

善權洞

嘗聞包山境中有林屋天旁通號地脉嶽瀆潛鈎連茲

山豈其類瀕洞皆中穿二巖岌山足琤淙激奔泉牛羊
走大石吐受無窮年金堂下石液雪積如烹煎從來米
鹽稱浪播俚俗傳一洞啓山腹穹窿亦聯綿誰題九斗
字大篆仍深鐫中藏丈五石屹若龍騰淵回頭問主人
嘉謂仲我輩定不凡云何逐官牒常得我所耽向來共幽
討九鑠藏芝巖而我自林屋翩然游皖滿洪崖儘可俯
不在南山南

白馬洞

披榛不知疲詰屈巖下路俄然見深竅偶步入巖戶一
泓窈而澄百步清以驚人言紫髯仙白馬從此度磷磷
盡赤石丹竈遺滓汙收藏已宛啼效速勝麻護因知世
盲聾荒怪雜疑誤虛空如許大長嘯可平步胡為萬山
底躑躅向煙霧

神魚泓是日與諸公流杯中如西丘故事

柳州固奇士戲好亦幽絕遠懷西丘飲千古清興發猶
佯恨無所盤俎對羈紲聊為五里行邂逅一壺挈神魚

伏山根渟湛初一穴侵侵決寒溜沙石助清越披莎得
盤石離坐若天設實觴競乘流眩轉亦飄瞥爭持或三
醵遇坎時一蹶歡來朱碧亂笑罷巾帽脫相望西丘游
詎易議優劣

張公洞

昔年京江夜飛夢投雲山仍追謫仙老嘯詠層崖巔左
盼俯無地蒼巖生紫煙當時賦幽賞妙境竟莫宣今我
來自東扶橈漾荆川飽聞張公洞怪絕駭所傳聊從二

三子一結青山緣北靈敞奇觀下矚壺中天恍然驚昨
夢了了墮我前仄徑繚危棧重局護靈淵奇礪玄坡倚
側洞時鈎穿初疑天台聚納此一室間夸娥運神化不
隘亦不顛又疑清都客翩然下雲輶幢旄儼行立導從
森蟬聯丹梯香霧濕玉室珠璣懸撐虛一柱屹戴重三
能騫鈇竈久已冷青驪那可鞭香壇望八景東晨開五
便坡陁忽度險宛轉漫無邊或深如列屢或近纔容肩
高躋乍捫頂偶步欲墊泉不知行遠近一步目九遷噫

嘻此天設端在太古先恨無少陵手寫之黃絹篇聊書

夢中夢投筆一粲然

公羊粲然皆笑

借居毗陵東門四首

客去不能寐脩然清夜闌樓居俯長川仰視天宇寬長
川濯雲漢錯落星宿寒青燈故可親且還對塵編其人
骨已朽千載與我言掩卷三太息虛簷清露漙

急景不可挽吾生豈無涯吳中十年舊鬚髩亦已華嗟
我壯且老方知失林鴟欲歸巷無廬欲駕塗無車而子

亦羈滯心事如蓬麻人生無巧拙命爾將如何

吳中十年舊謂

傅冲

益

猗猗隔河樹冪冪緣堦草時當長養候顏色豈不好萌
芒忽柯葉茂大旋枯槁滔滔不自知但見壯而老人生
亦草木萬化迭侵擾朱顏日夜變素抱豈自保

借居臨官道堂陰俯長河前車接來軫後棹紛相摩有
獨居其間超然嘯而歌頗從故人語安用高軒過旁有
五畝園不知主誰何時能曳屐往豈異吾山阿

和柳子厚讀書

事賤反多暇居卑適無虞人間不爭地聊此謝畏途豈
無營營子熟視付一吁屢中亦何有坐聽日月逾展卷
閱千古置書忘萬殊不妨權子母亦復商有無平生僅
識字乃與憂患俱持此遊學海層臺漸積蘇年來但遮
眼頗覺心恬愉囊錢足自飽肯怖騶朱儒起卧一塌間
兀如檠株拘涼風北窻下不減愚溪愚誰能三萬卷懸
頭苦劬劬小極正當寐睡魔不須驅

戲呈虞君明察院暮

三仕三已心如空一壑一丘吾固窮門施雀羅正可樂
車如雞栖良不惡胸中九華初欲成綵衣玉斧雙鬢青
世間何樂復過此不失清都左右卿

長安陸海如洪爐五金出入無精拙平生椎鈍堅重質
一往融液隨流珠請觀五石大瓠種正以濩落浮江湖
環中何者為榮辱千鍾何如三釜粟坦途緩步東方明
大勝跨虎臨深谷

秋夜寫懷呈常所往來諸公兼寄吳興江仲嘉八

首

秋聲不闕人倦客偏入耳蕭蕭舞黃葉策策振疎葦
明知壯則老搖落固其理如何石心人慨歎中夜起

蓬藿沒三徑藤蘿上瓜廬時聞步履聲歎闕問何如
定坐無雜語文章較精麤馬融辭東觀骀駢與世疎
顧此

窮巷士華顛空著書

屬王元規防

外監嗟已遠吾猶識其孫森然見孤韻辯作懸河翻低

頭向螢窻有類鶴在樊雙書五千卷字字窮根源頗攜

未見書過我樵無煙

屬賀方回詩

向來霜秋句俯仰歲一終人間有寒暑方外無窮通青

青千丈松不改冰雪容坐閱蒲與柳飄蕭隨雨風寒松

老益高蒲柳老益衰流萍况無蒂復與飛蓬期却埽計

不早出門欲何之

屬方子通惟深余壬午歲常過子通賦詩有云是有幽人厲志凌

霜秋又云會當從之子濯足萬里流俯仰十二年矣愧此高人

剝啄驚午枕軒昂見長身蒼髯如修竹定非俯仰人德

公卧襄陽不踏官府塵此老頗似之酒酣見天真結廬

甚幽獨已辦老圃鄰披榛時一來數面久益親

屬楊葵父懿孺

一士出吳下諸生有楊王相從寂寞濱無乃計未良縱

橫三千字坐可致玉堂詞章乃糠粃不直粟一囊我媿

非子雲文書昧偏旁窮居似韓子草樹亦荒涼時能出

佳句尉我秋夜長

屬王楊二貢士

物色一如此淒風薄人衣遙憐卞山客增歎雉朝飛回

知難為懷舉冷念齊眉勿使梨棗間纏綿生繭絲

清霜埽蕃廡豈為一草木方春萬物遂苑藥及冰谷乾
道本平施憎愛豈有屬不應懷偏慳獨遇吾黨酷奇窮
坐迂疎此事計已熟如何半世間生理常刺促

二篇屬
江仲嘉

仲嘉有氣節多難比
有伉儷之戚故云

夜坐

飢烏夜啼棲復起
乞粟飛光透窻紙
捲簾萬瓦白生煙
桂影扶疎淨如洗
回腸正隨清漏轉
葉下空庭亂如霰
青燈耿耿夜何其
雲篆吐蘭初一線
歲云暮矣萬竅號

霜天旅鴈求其曹月行虛空幾萬里羣犬吠光聲正豪
蒲團瞑目空危坐逝者如斯白駒過悠悠昨夢不可攀
此身此心何日間

春日寫懷

春風遍芳華一國盡狂醉窮閭獨不知但見長蒿薺秋
飈起蘋末一華初未墜幽懷獨先覺意象已淒厲故知
春與秋初不為我計危絃自應悲寒木終易脆要之夢
中夢憂樂同一寐翻然詠軒丘心量浩無際

豁然閣

雲霞墮西山飛帆拂天鏡誰開一窻明納此千頃靜寒
蟾發澹白一雨破孤迥時邀竹林交或盡剡溪興扁舟
還北城隱隱聞鐘磬

讀陶靖節詩

吾觀靖節詩三歎有遺音卧看起詠之惜惜澹多心欲
學靖節詩慎勿學其語心源如古井衡氣光發字言無
出言意妙語自天與譬如清冷淵月湛不可取嶽崎阨

驚湍乃若震雷鼓斯言可深味徃徃棄如土

到官兩旬四走山野作詩以自勞云

上山偃伸如望天下山偃仆如深泉胡為持此不肯寶
來試萬丈懸崖巔前人見踵後見頂反足鳥道相攀牽
欵然置我章貢上水激石罅奔雷填荒塍曲澗無遠近
渺渺不見墟中煙土岡鑿路狹如隧蘚壁藤薜蛟虵纏
寒風颼颼失白日上有萬木蒼陰玄航溪之深揭其淺
碎石齧足聲號川茗山發我一長喟彼有吳市人中仙

飛瓊練玉存故處祇有井竈無霜鈿我今正坐五斗米
悔不辟粒從期佗向來吳松厭羈旅三歲半逐鷗夷舩
故教筦庫著疎嬾坐守兀兀聊窮年安知求逸得奔走
豈異避挺蒙戈鋌咄嗟萬事無必計努力唯有歸園田

按圖經茗山有梅福鍊丹竈故有飛瓊之句

九日雨中對菊忽忽塊坐用雨中對花韻三首

胸中有天游一室未為迫永懷東籬翁那復有此客重
陰敗佳辰長雨不為澤堆甌對黃華菜色被臧獲黃華

亦蕭條伴我雙髻白猶能相响濡嫩葉供小摘

去年蛾眉山痛飲真得計新蟾繼秋陽明潔謝點綴今年坐蝸廬簷溜落空砌花開信多雨會少苦分袂茫茫大塊問游子況無蒂百年能幾何行復驚改歲

急心如危絃未斷先凜凜風庭忽知秋中夜不安枕力行無遠途積縷成重錦男兒未蓋棺雅志安得寢榮衰非所念身世固已審亦復羨久生聊為老錢飲

魏文與鍾繇書

云屈平悲冉冉之將老思餐秋菊之落英輔體延年莫斯之貴謹奉一束以資彭祖之術

元夕塊坐因用葉翰林去年見寄元夕詩韻寫懷
兒童逐遨戲先春禱春晴心如飄風快目若冰壺明寧
為惜日計所願佳節并老來見紛麗如乾闥婆城流光
不可挽譬彼空中聲那知節物佳倏然謝將迎幽燈對
簡編歷歷記所更斯須閉闔卧鼻息驚雷鳴寤念北山
北田家已催耕胡為異鄉久空寒猿鶴盟

短日良易暗凝陰有時晴何人勸之照燭燎皆爭明今
年春苦寒寒威劇幽并連綿積三白雲埋闔廬城深泥

浹新雨行路無人聲
藜燈不來下箕卜豈復迎朝來日
照梁天氣忽已更
稍聞橋市間簫鼓遠近鳴
吳人尚游樂急如赴春耕
唯有窮巷士守窮如守盟

西安謁陸蒙老大夫觀著述之富戲用蒙老新體
作

丈人意何長縱目文史足琅然
五行落洞視不再讀作書
兼遠獎衆妙探玄竺

公作莊頌般若頌數百篇

時時歌四始笑捧

五經腹高堂發新稿
重複羅籤軸觀之類
窺管諷味得

膏馥

蒙老號為連韻
如云風捧諷馥

白頭書生黑頭翁
長安時花幽澗松
遠飛近啄雖異志
天命厚薄無雌雄
鈎深采博燥喉吻
守此一畝蓬蒿宮
杜門不出交二仲
木陰澗曲遙相通
紫囊貝葉資執苑
款關一見踰三冬
亭亭漫吏多所歷
乾死書螢心似漆
王門賓客不留行
赭顏跼足搜泉石
茅簷正欲結雲根
竹葉榴花薦餘漚
當從元亮賦言歸
木茹麻衣永投筆

蒙老號為合離藥
名如當歸木筆

十月五日集李野家歸作

賢愚孰無營，急景信可惜。如何闔廬城，乃有此閒客。
懷安豈初志，運甕有餘力。相從無何鄉，邂逅一日適。
虛窻得朝陽，寒凜作春色。琴書羅几几，一一淨如拭。
畫沙見竒蹤，落屑非近識。似追永和還，未覺正始隔。
崢嶸衡霍圍，莽蒼雲夢澤。時華互低仰，幽鳥共深寂。
誰驅此變幻，戲納方丈域。慚公慶春釀，澆我憂思積。
豈無車公語，謂方

回顧匪伯仁匹

謂伯仁

長檠蠟華推起視，霜月白酣歌美清。

夜擁髻侍通德參差吐幽妍鑿落豔芳碧觥籌不留行
為問此何夕言歸謝主人五斗安可極

戲示江協律漢

酸寒北山尉憔悴孔州守枯魚同處陸濡沫賴詩酒當
時年尚壯意氣亦何有祇今雙髯華十載一回首仕初
君似遇遊倦吾已醜邂逅記昔遊空嗟漢南柳

江再和戲答

當年季將軍晚節河東守誰令一人譽揮去坐使酒長

卿起遐陬落筆賦烏有要之乃雕篆意不在黔首窮通
付造物世俗浪妍醜何必送五窮呼奴結車柳

空相僧舍書事

午景入疎竹堂陰筠粉香疏簾撲空翠無風自微涼
磬聲破禪寂日轉幡影長霏煙觸垂瓜泛乳搜枯腸
投局起尋勝徘徊雨花堂巢蓮見靈龜信有千歲祥
徐觀乃跋鼈圍圍循菰蔣笑罷能歎息是非可兼忘
却坐對談麈冰松想千章斯須二三子矯若驚鴻翔
府中有料理

不作功曹狂

杜甫為功曹云東帶發狂欲大叫簿書何急來相仍是日江趙潘以幕職事去

戲贈江仲嘉司兵

君不見謝公栖遲樂東土起作司馬征西府
莫年談笑有穰孫鶴唳風聲走豺虎
又不見子猷剡川高興蘭肯隨鶴書
落人間不知騎曹底官職朝來挂頰看
西山平生清真翠嵒老泉石膏肓偶同調
歲寒落落見孤松不忍低眉寧枯槁
年來無米繼朝炊聞說吳興富魚稻不
妨來作古司兵士卒投醪止鳧藻美哉
洋洋雪溪水秋

塘百里荷花繞當年釣徒放浪處醉目悠然送歸鳥斯
人不死世不識徃徃凌波弄瑤草君方叅同從龍虎我
欲治荒種梨棗會當月夜見龐眉一笑超然凌八表

張志

和自號為
江湖釣徒

送趙子畫奉議歸睢陽用熊倅韻

紛華眩人劇朱碧子獨好書如好色王孫被服甚寒生
射策君門先破的榮州書窟三萬卷錦囊付此龐眉客
南遊句吳北大魏亦復徒勞問刀筆不唯脣齒腐經史

正自雲山鑠胸臆老來息交思簡事為子忘劬廢晨昔
春風滿帆送歸舸回首清游如昨日知君名駿定千里
不待朝廷訪幽側有書時寄鴈南飛顧我漁樵正爭席
同趙奉議離吳興江仲嘉與其兄仲舉送百餘里
醉中戲作此句一首

大江飲酒如澆灰小江飲酒顛如雷扁舟相送不道遠
百二十里雲帆開云亭老人窮不死故園茅屋荒蒼苔
闔廬城中一畝地已辦甕牖鋤蒿萊吳興上佐吾黨士

十年縱賞西王臺眉間黃色絃綠服施樓長嘯春風回
要須醕酊酬此別不離萬頃添金杯明朝相望即湖海
縱有美酒何為哉

過毛達可友給事覽壁間舊詩次韻二首

堂前清颼發樹外赤日西坐令天壤間氣候忽不齊解
帶席嘉蔭長哦壁間題故應有神護塵土不得迷前年
歎公門鷦鷯亦已啼今年復羈旅庭莎欲鳴雞西游有
底急觸熱忘卑棲似為饑所驅不計輟與蹄綈袍意彌

厚槃餐洗羹藜石塊久不澆醇醪代朝齏襄陽乏新句
夜直難相攜

黃華非不佳寒澹每見少蕭蕭亦無言懷抱不自曉深
嫌小桃夭欲伴霜松矯窺叢慰寂寞時有南飛鳥主人
真賞竒灌植勤便了徘徊傍東籬高興在塵表坐有白
頭生臨風百憂繞

北固懷古

阿瞞長驅壓吳壘飲馬長江投馬箠英雄祇數大耳兜

彷彿芒碭赤龍子幄中况有南陽客布衣躬耕無甌石
當時鼎足計未成聊此一竒空赤壁人隨流水去不還
卧羊頑石留空山如今留石亦煨燼山與長江相向間
秋華無幾尚有紫薇相對里巷間

晚花如寒女不識時世妝幽然草間秀紅紫相低昂榮
木事已休重陰闕深蒼尚有紫薇花亭亭表秋芳扶疎
綴繁柔無復粉豔光空庭一飄委已覺巾裾涼手中蒲
葵箴雖復未可忘仰視白日永淒其感冰霜

秋雨三首

細字忽難讀松窻失朝暉開簾視天宇屯雲凝如黳霏
微乍噴灑翕忽看淋漓斯須建百川中庭即方池秋雷
亦動地勢洶萬鼓輦虛簷忽無聲蒼狗變白衣飄搖露
穹碧涼飈洗蒸炊雨師真解事作止適所宜

十日儼辰次如環了無端人言秋甲子畏濕不畏乾向
來譙門道旁立三尺壇故勤壁間緣一起泥中蟠青衣
躍且躁有如沐猴冠先聲忽灑道直此辰與干邇來未

旬浹三見急雨寒黃流抹河草連檣度平瀾良苗有佳

色未覺千畝寬時暘亦須早無使江湖翻

項年吳江大水斷長橋吳

人相傳為太湖翻

華首三不遇求田亦良圖莫嗔湖海士豪氣故不除扶
犁本吾事二頃終勝無繞舍生蒿蓬閉門種英蕪從渠
百尺樓笑此蝸牛廬吳中久卜鄰會從古人居荆溪一
塵地儻與求羊俱屠門過大嚼一雨喜有餘正恐二三
子聯翩躡雲衢空令千里駕悵望黃公壚

林德祖周憲之皆居蘇郭

慎求田園
在陽羨

過紅梅閣一首

春風如醇酒著物物不知能使死瓦色化為明艷姿寒
枯出繁秀巧與節物期江梅故幽獨綽約不自持居然
北枝後迨此白日遲春風日浩蕩醉色回冰肌清妍有
餘態衆芳謝凡卑憑虛一回睇俯仰歲月馳所恨培雪
根向來歲寒枝差池弄芳晚坐令顏色移顏色固嫵媚
幽香無故時

題蔣永仲蜀道圖

梓州別駕真雛鳳，賞古探奇坐饑凍。要窺瓊室蔚藍天，
直上潼江歷秦宋。每逢佳處靜盤礴，流出胸中九雲夢。
乾坤塊土本無迹，我獨毫端發神用。戲驅萬變寄陶寫，
軒豁端倪巧搏控。蒼筠擢秀飽冰雪，古榦撐空中梁棟。
奇礪那得在山谷，回首何年委堅重。輪囷偃蓋屈金鐵，
夭矯驚虬起巖洞。春江莽蒼迷東西，漢南老柳參差垂。
煙中遠近見木末，明星已沒城烏啼。平生險怪三峽水，

古木龍嵒陰風吹石間雷電殷九地出入噴薄無窮時
我身趼足半天下偃蹇故是山林姿南行瀟霍北蒿洛
應接不暇空狂癡作詩寫意如捕影況有三絕窮天機
清晨對此恍自失眼中太白橫峨嵋請君十襲秘緹革
恐復仙去歸無期

寄開化李令光

我行阡陌間苗麥已復青茅茨間新稿雞犬有和聲不
見吏索錢田家得其生雞犬亦肥字不遭無事烹於斯

可觀政豈在赫赫名父老亦相語驩然就春耕官租及時了卒歲樂無營

山間古梅林有鶚集其端不飛亦不鳴彈射莫敢干下
窺羣雀雛啄鵲剗其肝欣然舐兩爪意得良自安飛來
多凡鳥助此凶且殘安知萬山曲亦復鳴棲鸞相咻固
不可見嚇技亦殫衆鳥既有恃相期在歲寒

園居荒蕪春至草生日尋野蔬以供匕筯今日枯
枿間得蒸菌四五亦取食之自笑窮甚戲作此

詩

平生嘯嚙口出語無媚悅定非肉食姿賦分在藜藿僑
居得空園窮陋亦清絕分陰豈不惜飽睡送日月無著
不須種衆草今已茁朝來一雨過青細皆可掇東籬有
更生枸杞僅堪培乃知天隨生豈羨五鼎列堂堂不吾
負芽甲破春雪縻身薦瓢窳解我憂思結薺花雖未繁
著地爛於纈驚雷發蒸菌自可當夏鼈馬蘭亦芳脆人
覓固凡劣晴朝當炙背俯僂事挑抉家人各盈襜汲井

手自挈滿炊太倉陳侑以冬菹列盤中長闌干置饋每
虛撤恨無籜龍苞此味那得闕長謠青青槐饒液想庭
樾妻孥覆相誚男子志勲烈君非老浮圖菜本可長嚼
况茲閒草木豈為刀匕設乃翁笑摩腹萬事付一呷此
中有真趣勿為兒輩說

九月七日夜夢王元規詰旦其弟元矩適相訪感
而作詩一首

故人入幽夢彷彿平生懷心知九泉隔意象慘不開哦

詩不成章慙恍誰能裁曰此蕭爽士寧當沒黃埃

夢中作詩

兩句似是此意然不記本語

清晨客在門乃自烏衣來典刑見難弟

共歎一息垂幽明不可詰此夢何為哉回觀南園道微

徑已蒿萊

卜築西塢

和柳子厚南澗中題

出處初漫浪淹留失佳時時英盡珠璞寧復見誰差一

去四十年伏櫪久已疲幸此歲將暮穿雲弄清漪窈窕

煙塢中蒼陰晝森垂茲焉寄茅屋橫仄任所宜谷口翳

杉竹柴門畏人知誰言一丘壑儻與汗漫期

寄茭湖江仲長案

和柳子厚初秋
夜雨贈吳武陵

急澗無止水秋蘭無故叢別來今幾年坐閱毗嵐風交
親半鬼錄生者仍衰窮及茲過君家樽酒一笑同知我
厭輦鼓煩君韻絲桐相攜步林壑暫覺萬慮空樗社寄
莊叟

自謂醉鄉著無功
謂仲長

醒來百憂集尚寐期無聰

晨起梳頭髮白且稀有感

余髮已種種我懷亦依依風林無安巢寒日無餘輝東

髮隨官牒前言服良規豈唯會計當自說牛羊肥妄獻
北闕書野芹安足希一挂邪士籍徒嗟寸誠微惓惓
畝志正作禍患機羈危不如人行行向知非世變不可
料邊塵暗王畿真人起白水帝命式九圍誤沐宣室召
白頭侍經幃誰言螢爝光敢近白日暉誰言草木萌敢
試雷霆威野馬立仗下軒昂妄鳴嘶弃之老牛阜無復
瞻龍墀天公了無私與奪適所宜時方急功名選悞安
所施士方貴才辯安用鈍訥為常人與善士何異於愚

癡譬之救焚溺珮玉行逶迤弃捐乃其理刺天看羣飛
幸非高明室百鬼浪見闕自從伏嵯巖風淫得偏疵有
足不得行有手不得持每思林野娛濟勝憂無期堆壓
不得往如驢繫且韉如盲不忘視如寒不忘衣如痿不
忘起如羈不忘歸但願老窮健長甘北山薇豈復理鬢
髻我冠待晨曦

自仲嘉云亡未始見夢舟行夜入吳興境有夢如
平生感而賦詩四首

江子隘斯世倏然向方蓬一朝成千古寤寐不復通夜
入雲溪境胡然見幽夢高標何所似俯仰風中松談笑
如平生炯炯雙方瞳去年經行地陳迹亦已空故應玄
真老相與遊無窮

諸人久不死而使武子先斯言太癡絕愛惡無乃偏君
看雅正情播在三百篇秦人哀三良百身寧可捐相鼠
有深刺嗟哉胡不遄此豈惑者歟加膝墜諸淵乃知孫
楚狂未必非公言

世以勢論士君誠不如人揚揚乘軒者志滿氣甚振外
見七尺軀中有萬斛塵鑿枘固難入鶚鸞豈相倫炙手
苟可熱行路為雷陳高棲冷如鐵骨肉不得親誰能獨
無死榮辱久乃真

皇天非無知伯道固有後百年能復幾僅此一昏晝久
知彭殤夭不及殤子壽向來簞瓢生廟食至今脩東陵
雖飽死千載有餘臭梟蕃得剗腸茗折謾遺鼓試當問
玄夫此理或可究

初到書局以萬七千錢得一老馬盲右目戲作古

句自嘲一首

蹄間三尋汗流赭九達雷電爭飛灑我窮那得騁追風
正擬虺虺行果下平生畏塗飽經歷夜半臨深無馭者
故應造物巧相戲却比盲人騎瞎馬李南知音當促步
廣漢騰嘲不相假執鞭良稱塞翁兒並轡聊從杜陵夏
虺然病顙豈其類老矣問途那可捨徑煩一夫事刷秣
似桂新芻不盈把向來伯厚亦安在結駟雞棲同土苴

他年東去把撩風縱爾逍遙汴東野

晁無數將之錄示近詩有和其兄以道說之詩次

韻以致區區蕪簡以道

談詩如談禪練性如練墨

以道深於明理頗喜造墨

壯心悟龜毛少

作豈蛇足平生甚元龍未信今伯玉十年得投閒高卧

謝寵辱定知貧勝富固自平為福著書著名山會使山

鬼哭結廬近三休為米時一出猶嫌佛場選肯問燕臺

築俗人難與言鏡髭遺盲禿前年客長安正覓三釜粟

塵中一傾蓋爽氣岷峨綠別來更崎嶇寡陋嗟我獨塵埃篋中書有手不暇觸

次韻寄謝公表韓公朝請

世人如鰓魚自蔽翻吐墨猩熊亦何罪不衛脣與足要當時木鴈安問定石玉向來休休翁老去稱耐辱迹高名自汙卒享清淨福肯為接輿生叩木妄歌哭韓公早聞道垢濁久已出終成九層臺不棄一簣築長安列戟第桐影將缺禿寧辭治中興且食祠宮粟胸中荊棘盡

華髮當更綠抗塵我何庸勇退公所獨何如善刀藏聊
放虛舟觸

和葉翰林送李從事

賞音真兩難邂逅多契濶一朝間容刀三歲歌采葛古
人抱修能初不露錐末誠令處囊中談笑堪式遏豈無
識玉人顧恐鑠金奪遂令緇衣好斂迹裁自脫畫蛇技
已疎志鵠弓遽撥徒嗟湖海上髮白牙齒豁懷公劇梅
林念至失焦渴臨風賦新謠憂思不可掇

自寬吟戲效白樂天體

武陵謫九年下惠仕三已或窘如拘囚或了無愠喜吾
生憂患餘年忽及耆指偏痺未全安抱病更五禩進為
心已灰弃置甘如薺坐狂合投閒佚老宜知止向令身
安健不過如是耳每思古窮人我幸亦多矣照隣嬰惡
疾羈卧空山裏纏綿竟不堪抱恨赴潁水文昌兩目盲
無復見天地簡編既長辭游覽永無冀吾今雖抱病蹇
曳非頓委時時扶杖行積步可數里校之卧牀席欲坐

不能起雖扶不能行懸絕安可比時從親故談亦不廢
書史右臂故依然運筆亦持匕簋輿時出遊初不廢牢
醴况無他證候色脉若無異詳觀動息間儻有全安理
侍祠了無庸竊祿愧索米借居浮屠宮非村亦非市廷
堂甚爽塏高屋敞窻几郊林接溪水眼界頗清美嘗聞
天地間禍福更伏倚藉令衰蹇身終老只如此何須苦
嗟咨未必非受祉形如支離疎飽食逸終世目盲如宋
人全生免僇使平生歎遠遊今我在桑梓田園接家山

區處及耘耔平生困鞅掌今我恬無事寢興縱所如出
處不違已病來益尊生對境空相似永無貪欲過稍習
衛生旨不為六賊牽豈受三彭毀人言病壓身徃徃延
壽紀大鈞默乘除萬一理如是安全固自佳蹇廢亦可
爾死生猶寤寐況此一支體細思安否間相去亦無幾
如何不釋然萬事付疑始

贈別吳忱宣德

并序

余客都城邂逅河南吳誠伯偕寓興國僧舍其為人

樂善嗜學練熟世故徙居蘄春適再世耳而蘄春人
至都下者無賢不肖必來問訊其廬所傾下徃徃知名
名士故舊有以急告隨所厚薄賙之誠伯自言尉光山
時捕得強盜十許人賞應第一等獄具部送府盜
親戚望哭道旁或扶老攜幼號戀不忍聞誠伯顧盜
非素猾賊為人害者一旦迫饑寒適為盜乃陷重辟
耳因以盜還送縣稍緩其獄久之皆得不死賞固不
論也凡此過世俗遠甚今茲同寓僧舍者至數十人

乃獨見親厚此又何也余調官東歸誠伯從余索詩
為別匆匆不暇還家作此寄之

吳公河南守薦士得賈生偉茲天下士何止千人英吳
公失名字功業曖不明要非萬頃陂莫著橫海鯨當時
好賢意豈愧勃與嬰蔽賢如面牆自使兩目盲好賢如
力穡穰穰嘉穀成至今餘慶在望著河南城如君豈其
裔樂善莫與京高門二千石世德故可評平生周旋士
往往凌青冥作史今十年讀書不求名向來光山政何

異古所稱嗟哉士營已寧使我負人聊須借汝頭一用
朱吾輪今君乃能爾所弃如毛塵故知古賢世尚見風
俗淳猗予一畸士落落良可憎折腰務求合俗眼竟不
青懂懂九衢內邂逅蓋一傾何從乃知我頗有交舊情
相隨若形影出語見肺腑長安速化地頑鈍終無營中
宵起歸思襍被東南征投林無擇巢促步無安行寧嫌
最爾邑要是衆不爭紛紛同舍客聚散兩不停毛子去
山邑哦詩對崢嶸想見簿領閒烟如九秋鷹

毛世高調深州

戟羽翮題輿重廬陵胸中若懸鑑圭角不自呈

上官闕中恢

石老故游倦飄蕭數星星崇山古惡地無乃煩荅榜

音彭

石興宗振有子
意有時名早死

程翁頗專嘿兩版晝夜局時時繫烏帽

匹馬挾二黥安知刹那間一卧不復興

程興之

其餘復誰

在誰與交忘形去駕雖結轍來檣競揚舠懷君尚留寓

京塵染裾纓其誰念久要佐子飛且鳴况君緇衣後世

故飽所更會當力推挽橫絕非階升却顧五湖上有人

方耦耕

送林德祖致仕東歸并序

壯而仕老而歸理也士溺於仕故困而知返病而能
休老而知止者世則猶然貴之若德祖於斯三者無
一焉然去官如脫屣是乃真可貴矣德祖方未仕以
學行有盛名四十起家至為部刺史所歷皆儒官入
糾天府於今為要地年始登六十茹蔬飲水神幹儼
如也一朝浩然有歸志退自府舍不謀於朋友不告
於妻子夜半狀上府晨朝可命下斯亦奇矣余行道

南徐過故人蘇元祖出許振叔書道德祖掛冠勇決
之狀余時冒初暑向遠途忽忽煩憤聞之灑然如挹
寒流而濯清風也而或者疑焉余曰子無異也士溺
於仕久矣其視爵祿猶饑者之羨膏粱渴者之赴水
泉寒者之陽而暘者之陰也意若攀垂綆而上千仞
不可須臾置也今乃有人負通博之才居軒冕之會
非有宜去之年不得已之事也然且一朝去之彼以
夸競之心計之是豈不可駭而疑哉且仕不仕何常

之有德祖非為亢者也非要利者也徒曰適吾之適
以遂吾之性而已雖然自砥節礪行之詔屢下所以
愧責貪競者之辭實深聖主之所望士夫之恥也今
觀德祖之去就重輕亦足以振士風矣夫仕者畢心
力以奉所職處者先廉退以風士類是皆有益於時
者也德祖豈不賢遠於人矣哉既遇諸淮陰舟翩然
東使人有冥鴻之嘆因為詩以附諸公之末云

浩浩聲利間靜躁同一區排肩日中市有類逐獸趨中

朝尺寸地衆睇咸睢盱安知大雲客出與飛雲俱翮然
棄之去初不計卷舒紛紛軒裳士瞠目口為呿茫然更
歎息不間賢與愚乃知楊少尹未足繼兩疎時當老而
傳不失仕且居非同會稽史苦誓困簡書不比狂季真
索身憂病餘耆年了無事方當騁亨衢投簪逸河海沛
若縱壑魚雖無揮金事日者誰公如清風激多士故足
明時須恨無采詩氏儻有東歸圖

餘杭法憲院荆文公書堂文公康定中讀書於此

鍾山太傅起從龍鼓動風雷指顧中未見圖形求傳野

豈知徒步客新豐青鞵曾訪餐芝老

許遠遊登嵩山如芝乃餘杭山中也

白首唯餘擣藥童

寺僧言文公多養疾此堂當時給侍童子今八十餘歲矣

藏壁故

應留斷簡至今山鬼慟悲風

送蔣主簿入都赴試一首

東南貢吏紫髯郎一馬駸駸客路長袖裏山林洗塵霧
腹中文字了鱣箱流年過我長如許樂事知君詎未央

行恐饑來驅我去也遮西日上河梁

蔣有名畫小軸常置懷袖名壺中圖

罷吏客郡城已數月滯留忽已歲暮浩然興歎作
一首

一行作吏向吳城五見姬隅上薄冰魏覲三章堪自約
殷源百尺敢言登抑撤祗送人為郡噎媚初非我負丞
鞅掌棲遲俱害性不知鬚髻欲侵凌

寒夜遣懷一首

強醉重雲欲散鹽三更飛霰忽驚簾大呼何與癡人事
此意多應俗士嫌出戶仰看天漫漫持盃愁作夜厭厭

消除心事都無處下盡中軍三百籤

許主簿見和過有推借再作奉呈

身謀自昔須三窟世味端能敗一薰
醉裏閒愁濃似酒春來歸思亂於雲
松栽咫尺傳盧老棗實方將訪許君

見許遠遊與王逸少書

却喜雲孫共來徃扁舟時入白鷗羣

用前韻作招許主簿

風騷無復見黃初尚想應劉載後車
病骨不知緣底瘦愁眉時得為君舒
動人春色來隨鷺入眼溪流靜見魚

祇有此中多好句可來茅閣試憑虛

謝江仲舉惠酒

山城無物可忘憂但有平原病督郵
知我囊中無白水煩君若下出青州
芳甘未謝三年醞傲兀能消萬古愁
會待東郊春意動鳴鞭乘興草堂遊

次韻張祠部敏叔游滄浪蘇子美故園

醉倒春風載酒人蒼髯猶想見長身
試尋遺址名空在却歎張羅事已陳
稍置曲欄穿徑竹別開高閣俯汀蘋

拏舟更欲陪清賞要看毫端藻繪春

哦詩夜坐餅壘久空無以自勞寄吳興趙司錄江

兵曹

詩成不直一杯水年大常懷千歲憂何須中令能強記
正要將軍為破愁故人久負丘壑志公子欲尋梁宋游
相逢儻有蒲萄綠肯向西涼博一州

九日寫懷

節物驚心兩鬢華東籬空繞未開花百年將半仕三已

五畝就荒天一涯，豈有白衣來剝啄。亦從烏帽自欹斜。

真成獨坐空搔首，門柳蕭蕭噪暮鴉。

高適九日詩縱使登高祇斷腸不如

獨坐空
搔首

窮居苦雨

慢膚便腹轉踈慵，睡足茅簷目過鴻。墨客縱令三尺喙，
木奴何似十年功。門前羅雀非吾病，竈底生蛙不世窮。
舊雨未乾新雨漲，可憐愁絕力田翁。

避寇村舍

再脫兵戈裏全家走路塵百年同是客萬事不如人幻
境終歸盡生涯正要貧故人知在否魂斷楚江濱

施至之曰

江子支趙叔問適泊舟江口未知今在亡

和答何蒙聖刪定

胸中林壑寄商顏門外紅塵了不關年去人猶昔人耳
身游才與不才間與君同覺夢中夢顧我長嗟山復山

何日方舟歸里社韋編應許試窺斑

蒙聖深於易學

和江仲嘉見寄

華門蓬舍不知春，車似雞栖甑有塵。
千里傳情望雙鯉，一杯和影祇三人。
交親離合同巢燕，身世羈危獨繭綸。
四體不勤心擾擾，擬將玄旨問吳筠。

江修練故有此句

酬穎昌葉內翰見招

觸熱西遊汴濁波，京華旅食謝經過。
年侵鏡裏今如此，歌缺壺邊可奈何。
賓閣遙知懸玉麈，直廬應許到金坡。
唐孟浩然故事須公一節趨環召，猶及昆明百步荷。

旅舍寫懷

半世江湖寄此身，冰壚何意及陽春。
離騷痛飲非名士，款段還鄉亦善人。
病木作花真強活，長魚沈陸恐摧鱗。
清時英俊如麻蓋，敢歎長年甑有塵。

林德祖有詩寄光祿蔣卿夢錫璿及送朱博士駿
發終篇皆見及次韻寄懷

閉門那復賦三都，傳世何妨強著書。
東海遺榮行路歎，南山歸隱故人疎。
尚平婚嫁無餘累，摩詰身心即淨居。
六十挂冠雖早計，絕勝銜索泣枯魚。

聞德祖晚近已娶婦，故有尚平之句。

金華王府九天開夜誦何人薦逸才太學諸生終莫挽
長沙賢傳幾時來別離傳恨空魚素歲月如飛逐管灰
亦欲相追老湖海稽山肯放酒船回

德祖既休致不復作都城書余獨時

致書問訊故有空魚素之句

和江子我端友

雨脚初收曉霧開青鞵布襪好追陪幽人無事長相見
佳句有時還自來白業誰能超石壁朱顏亦任發春醅
憂來忽憶燕南信安得閩鄉老萬回

別後有懷子我追用巾字韻作寄

漉酒空我五柳巾一觴相屬念情親
玉川奴婢今猶昔錦里田園老更貧
冰洞清泉誰共酌風篁幽徑好尋春
開年晴暖須歸去還向江湖覓故人

子我東去云欲居無錫或過錢塘故

有冰洞風篁句

鄭希尹大夫會吳中諸老唯方子通不至余作詩

呈希尹

黑頭新貴擁朱輪交會耆英久不聞
博識猶多漢郎吏

敦詩仍有晉將軍

一作惔惔無華漢郎
吏詩書執禮晉將軍

河流曲曲靈光

異芝蓋莖莖瑞氣芬

是日九人

坐想城東隱君子無心閒似

嶺頭雲

張敏叔祠部章伯成戶部餘皆員郎故有郎
吏之句張仲謨嘗帥熙河故有將軍之句

會稽旅舍言懷

北山之北寄柴扉茅屋參差倚翠微
老罷那知還作客
春來無奈苦思歸
淹留恐復荒三徑
潦倒寧堪扈六飛
乘鴈雙鳬成底事
不應容易裂荷衣

次韻江子我見寄長句

余時初忝
秘書少監

泥行正作龜藏穴霧隱初微豹一斑豈有高標如冠玉
况無談舌解連環一登文石趨宣室三竊蟠桃向道山
早晚共尋雞黍約林泉猶得半生閒

山近

山近雲多態身閒夢亦幽紙窗先得曉布被最知秋海
眼來陰冷雲根逗暗流結茅容我卜投老為君留

丁巳九日攜酒要叔問登通道門樓而江彥文寄
玉友適至因用己未歲吳下九日詩韻作

涼秋風物正清華極目高樓不見花老境固知無樂事
醉鄉聊欲寄生涯銀鈎遠寄清桐滑玉液親題赤印斜
笑引壺觴成一醉歌筵遙想髻堆鵝

聞彥文是
日有盛集

戊午歲九日復與叔問登城樓再用前韻作

兀坐空哦服九華衰顏深覺負苗花但令無事長相見
敢數百年生有涯雉堞曉登千嶂抱縠波秋淨一溪斜
歸來更展新詩卷醉墨淋漓似老鵝

盧仝有却來繫上
翻墨汁塗抹詩書

如老鵝
之句

葺蝸廬吳下用葉翰林見寄詩韻作

四海無廬置此翁故營松竹儘囊空明知計出栢馬下
正擬身全木雁中東郭易成生草舍南村先怯卷茅風
向來豪氣今如此敢與元龍較長雄

張志和結廬東郭
茨以生草余結廬

皆竹椽松柱故
有松竹之句

和白樂天二首寫懷仍效其體

莫把蒼龜更問天向來心事已蕭然塵中惆悵常如失
夢裏呻吟半不眠三徑松筠終問舍五湖煙水不須錢

艾者相去能多少早擬懸車十五年

中臺退食每逡巡不向重華即淨因豈但語言都少味
亦知才術不如人五雲華闕通閨籍萬頃煙波擲釣綸
鳬雁去來何足道從容居士宰官身

和趙子雍游石園

長嘯西風一散襟重陰疎影靜相臨水通笠澤秋容淨
竹種玄池野思深石磴埽雲留晚步松谿隨鶴盡幽尋
舊遊回首成春夢太息憑誰寫寸心

太湖泐檄西原道即事三首

司空山頭朝出雲西源渡口十里陰煙中雞唱未及午
白雨作泥泥已深

上崖下谷鳥道中前屨後巾魚貫從西山路暗光已夕
東山山頭餘日紅

道旁甕盎如汝陽石間電電如呂梁不知身世在何許
舉頭四山鬱蒼蒼

登富陽觀山亭

橋公宅中木參天
孫郎山前春燒煙
大橋不向五湖去
建康宮深空歲年

題蔣崇德彝所藏明皇夜遊圖

燃膏飛控逐流光
露溢金盤樂未央
擬跨八龍窮轍迹
誰令一馬向銅梁

七夕

阿母雲車下建章
茂陵秋草竟荒涼
漢庭卿相如麻草
只數窺窻陞戟郎

胥門老蔡定凡仙會有神人與作緣自笑塵容滯窮骨
不如雞犬上青天

江仲嘉行邑將歸見寄絕句次韻

骎駘江公故不羣八閩三窟斷知聞喜談狗馬從無鬼
獨抱冰霜似此君

常嫌小知漫問間曠度蕭然只愛閒不借黃梁留客醉
嚴闕三鼓款銅鑲

勸農行稼亦看山牛驢何妨共一閒應笑云亭老頗僻

背崖無地結三間

漾漾扁舟拂水飛飄飄蘋末細吹衣傳呼匝地來連壁

東郭人知典午歸

仲嘉行縣歸司錄趙叔問送之南門聯鱣還府率以為常

詩成端欲據天山酒戶猶能敵飲仙幽事相關公事了
如屏千嶂翠連綿

三峰草堂

庭前雙梧一畝陰禪房蕭森花木深清霜脫葉空山響
夢覺寒窻松月林

雨洗千山翠欲浮
稻畦松澗已爭流
朝來風急凝雲盡
歷歷鐘聲過五州

避寇儀真

北固山頭豎白旗
西津渡口僕姑飛
將軍笑引三千騎

洗馬鵝翎問道歸

是日聞浙西總管提兵自瓜洲
取道儀真度長蘆使道趨杭

茅茨低小對青山
淮擬餘年向此閒
南望青山足黃鶴
欲憑黃鶴寄書還

戲題畫卷

五載京塵白鬢鬚丹青遐想寄衡巫如今埽迹長林下
却對真山看畫圖

胸中雲夢本無窮合是人間老畫工常恨無因繼三絕
倩人拈筆寫胸中

答和江子我

長江裊裊葉蕭蕭心與虛空自寂寥過眼文書風度穴
迎秋衾枕帶忘腰

柳標橫擔入亂山恍如黃鶴倦飛還不妨步履時來往

山北城南一望間

駐蹕揚州以提點刑獄公解為尚書省禮部在西
北隅卷書樓下甲戌年余嘗寓止焉今寓直其
下有感

三入南宮更白頭夜寒持被卷書樓那知跼足半天下
投老浮山省舊遊

戲題郭慎求所寄書尾

老罷歸來寄一塵交親南北散如煙誦君雪暗天涯句

離合升沉二十年

慎求為海州幕官行縣嘗有詩云曉鳥啼啞啞遊子初去家去家向何許

雪暗天一涯云云斷句云舉頭語天公慇懃推日車願為吾黨所推

題叔問燕文貴雪景

一壑回環十二峰茅茨送老白雲封如今塵裏看圖畫
却愧當年邴曼容

新作紙屏隆師為作山水筆墨略到而遠意有餘
戲題此句末句蓋取所謂柴門鳥雀噪游子千

里至也

時守秀州屢乞宮觀歸山居未遂

急雨初收山吐雲清溪曲曲抱煙村拋書午枕無人喚
歸夢真疑鵲噪門

會稽喜得家書

黃耳東來一破顏直從松竹報平安遙知雲頂峰前住
霜鬢風簷六月寒

試端溪古硯偶書二首

白首重來祇厚顏有懷端欲向誰傳語言相對都無味
色在蜚鴻落照邊

人生當復幾兩屐我飲寧須三百杯
破硯猶堪磨老境
醉拈椽筆埽霜煤

卽事

雲裏琤淙十九泉茅茨深寄白雲邊
何年斷取仇池境
擲過荆吳萬里天

偶作三首

薰風習習動林光紫翠陰中草木香
山鳥一聲清晝永
白雲深處北窻涼

老向甘泉補侍臣歸來還作卧雲人一重一掩藏煙塢
三沐三熏屏世塵

誰遣生駒玉作鞍春來苜蓿徧春山自知不入黃麾仗
振鬣長鳴出帝關

書壽昌驛

歲暮白日速風高黃葉稀歸心與寒鴈一夜向南飛
和翁秘監彥深喜絕句四首

朝來喜氣溢層霄側聽封人共祝堯密雪正應歌九扈

疾雷先已破三苗

時初殄
睦寇


即看新綠歸千畝還見陳紅積九年便覺雨暘如有意
不須花草苦爭妍

九重誠意格天關一夜風回萬壽山銀闕瓊臺迷遠近
真疑羣玉接蕭閒

風鈴相語紙窻鳴拭縮饑鴟凍下驚却憶剡中高興盡
雪消江草喚悲生



宋詩鈔卷五十六



總校官庶吉士臣張能照

校對官庶吉士臣陳崇本

謄錄監生臣王詔